

ANTIKORUPCIJSKA
MREŽA ORGANIZACIJA
CIVILNOG DRUŠTVA

ACCOUNT

Sve usluge pravne pomoći su besplatne i uključuju informisanje o izbornom zakonodavstvu i raspoloživoj pravnoj pomoći za zaštitu prava u izbornom procesu, pred sudovima i u drugim administrativnim procedurama. Pravna pomoć podrazumijeva usmeno savjetovanje, sačinjavanje pismenih podnesaka, posredovanje u administrativnim procedurama i zastupanje na sudu.



Prvi put u Bosni i Hercegovini pokrenut je jedinstveni servis besplatne pravne podrške ženama na političkoj sceni BiH, naročito kandidatkinjama na Općim izborima 2018!

INFORMACIJE:
Kancelarija u Zenici:
Mejdanžik 9;
Kancelarija u Sarajevu:
Skenderija 17
Tel/Faks: 032 402 049
Mobilni: 060 311 19 22
E-mail:
czppzz@gmail.com
Online pravna pomoć dostupna je putem linka
http://cenppz.org.ba/pravna-pomoc-za-kandidatkinje/

PRVI PUT U BiH!

Besplatna pravna podrška ženama na političkoj sceni BiH

KAKO POVEĆATI UČEŠĆE ŽENA U POLITICI BiH?

Održana press konferencija u Sarajevu #skinilaznolicepolitike

Žene su na političkoj sceni Bosne i Hercegovine gotovo nevidljive. Bliže se općim izborima, a na listama je i ove godine znatno manje žena nego muškaraca. Objavljeni podaci pokazali su da tek 16% svih nositelja listi čine žene. Upravo zato, učešće žena u politici mora biti u skladu sa zakonodavstvom u Bosni i Hercegovini. Poručile su ovo danas predstavnice organizacija civilnog društva u BiH okupljene oko novo inicijative "Pravna pomoć ženama kandidatkinjama na izborima 2018. godine". Među ostalim, prvi put u BiH, kandidatkinjama na svim nivoima vlasti ponuđena je besplatna pravna podrška ženama.

Direktorica Fondacije INFOHOUSE Dženana Alađuz kazala je da je krajnje vrijeme je da se ženama u BiH ponudi takva vrsta pomoći.

„Zakon o ravnopravnosti spolova u BiH čini se da ne važi kada se dijele mandati nakon izbora. Bezbroj puta smo pokušali dobiti odgovor na pitanje zašto zakon prestaje važiti nakon izbora, ali odgovora nije bilo. Zato smo mi tu i stat ćemo uz svaku ženu koja želi da prijavi korupciju. Ne možemo biti hrabre za vas, ali možemo ići do kraja s vama“ – dodala je na današnjoj press konferenciji direktorica Fondacije INFOHOUSE Dženana Alađuz.

Duška Andrić iz Centar ženskih prava Zenica objasnila je kako funkcioniše klasična besplatna pravna pomoć:

"Pravnu pomoć čini kompletan paket usluga, kako to rade i u klasičnim advokatskim kancelarijama. Osim usmenog savjetovanje, radi se sačinjavanje pismenih podnesaka, posredovanje prema institucijama, a ako je potrebno i zastupanje na sudu. Nakon inicijalnog kontakta i zaprimanja prijave, procjenjuje se pravni osnov prijave i nastavlja specijalizirana usluga za slučajeve za koje se utvrdi da predstavljaju kršenje, odnosno povredu odredaba Izbornih zakona u BiH, Krivičnih zakona, Zakona o ravnopravnosti spolova, Zakona o zabrani diskriminacije. U pitanju mogu biti različiti pritisci, mobing, ucjene nelegalnim zahtjevima..." – pojasnila je Andrić.

Dodala je kako je ovo prvi put da se radi ovakva vrsta pravne pomoći i da se može očekivati svašta, te da će nakon ovog procesa javnost biti informisana o tome koja su to bila najčešća kršenja. Navela je da žene pravnu pomoć mogu potražiti u Zenici i Sarajevu, kao i da je dostupan i online link, telefonski broj, ali i mobilni tim.

„Pravni tim je mobilan, on prilazi tamo gdje su žene, jer neke nisu u mogućnosti napustiti svoja mjesta stanovanja“ – zaključila je.

Danka Zelić iz Udruženja građanki Grahovo navela je kako su organizatorice odlučile pokrenuti ovaj projekat jer korupcije ima, ali da je teško dokaziva. Istakla je da je od prvih višestranakih izbora u BiH broj žena u politici jako mali ili nikakav.

- VAŽNO JE O TOME GOVORITI. PRILIKA SU NAM I FORUMI KOJE ĆEMO ORGANIZOVATI U BANJALUCI I SARAJEVU, PRIJE I NAKON IZBORA. –rekla je.

Jadranka Miličević iz Fondacije CURE kazala je da je saradnja između političkih predstavnika partija i predstavnika civilnog društva spor proces ali da je neizbježan.

– "Nismo zadovoljni postojećim stanjem. Žene nalaze na strašne nepravde, na maltretiranja i sve to govori o potrebi za ovakvim servisom. Nije jednostavno istupiti, reći i napraviti neprijateljstvo unutar svoje partije. Najbolji primjer vam je Maja Gasal Vražalica. Možemo raditi istraživanja, analize, prikupiti podatke i olakšati ovim ženama. Pozivamo medije da budu otvoreni za sve one kandidatkinje koje su nevidljive" – zaključila je Miličević.

Inicijativu za besplatnu pravnu pomoć kandidatkinjama na izborima 2018. godine provode Fondacija INFOHOUSE, Fondacija CURE, Centar ženskih prava i Udruženje građanki Grahovo.



Press konferencija #skinilaznolicepolitike u Sarajevu

Održani treninzi za kandidatkinje na predstojećim izborima u Tuzli, Sarajevu i Banjaluci

- Više od 60 žena, kandidatkinja na predstojećim Općim izborima u Bosni i Hercegovini, učestvovalo je na treninzima organizovanim u sklopu inicijative "Pravna pomoć ženama kandidatkinjama na izborima 2018. godine". Treninzi su održani u Tuzli, Sarajevu i Banjaluci.

Žene su na političkoj sceni Bosne i Hercegovine gotovo nevidljive. Bliže se općim izborima i Centralna izborna komisija BiH već je ovjerila kandidatske liste i ponovo je na njima znatno manje žena nego muškaraca. Objavljeni podaci pokazali su da tek 16% svih nositelja listi čine žene. Razočaravajuća je činjenica da se o tome šuti, čak i pred izbore.

Glasni su jedino predstavnici nevladinog sektora u BiH. Uz podršku USAID/BiH, partnerske organizacije Antikorupcijske mreže organizacija civilnog društva u BiH – ACCOUNT, koje su u proteklom periodu okupili kandidatkinje na izbornim listama da prisustvuju programu usavršavanja; o izbornom zakonodavstvu, pravnom okviru, ali i besplatnoj pravnoj pomoći koja je na raspolaganju kandidatkinjama u izbornom procesu.

Inicijativu provodi Fondacija INFOHOUSE u saradnji sa Fondacijom CURE, Centrom ženskih prava Zenica, te Udruženjem građanki Bosansko Grahovo.

„Žene na bh. političkoj sceni skoro su potpuno nevidljive. Nerijetko budu i prevarene. Budu na kandidatskim listama, a nakon izbora, stranke odluče da njihovo mjesto zauzme neki pogodniji muški kolega“ – kaže Jadranka Miličević iz Fondacije CURE.

Zato će, u sklopu programa Pravna pomoć ženama kandidatkinjama na izborima 2018. godine, nevladine organizacije okupljene u mrežu ACCOUNT ženama **ponuditi mehanizme za borbu protiv korupcije u njihovim strankama**. Cilj inicijative je zaštita prava žena u politici u Bosni i Hercegovini kao i povećanje pravne zaštite kandidatkinja u slučaju povrede njihovih izbornih prava, prije i poslije izbora. Ova aktivnost, koja je prva ove vrste u Bosni i Hercegovini, pružit će besplatnu pravnu pomoć kandidatkinjama kojim na bilo koji način budu povrijeđena izborna prava.

“Na ovaj način poručujemo kandidatkinjama svih političkih stranaka u BiH da nisu same i da postoje načini na koje mogu utjecati na stanje u svojim strankama. Ohrabrit ćemo ih da prijave eventualnu korupciju” – istakla je Abela Purivatra iz Fondacije INFOHOUSE.



(Treninzi u Tuzli, Sarajevu, Banjaluci)

UG JUSTICIA PREDSTAVILA REZULTATE MONITORINGA KORUPCIJE U SEKTORU JAVNIH NABAVKI ZA PET MJESECI ZAKON PREKRŠEN 137 PUTA!

otporni na štelu!
account

ISTRAŽILI SMO...

Kako ugovorni organi provode javne nabavke

Učestalost žalbi

Na šta su najčešće žale ponuđači

Kako postupaju Uredi za razmatranje žalbi

Notika je riječna kršenja Zakona o javnim nabavkama

KO JE KO...

URŽ: Ured za razmatranje žalbi u postupcima nabavki

Ugovorni organ: javne ustanove, institucije, poduzeća, organi uprave

MONITORING KORUPCIJE U JAVNIH NABAVKAMA

SAZNALI SMO...

URŽ riješio 200 žalbi za pet mjeseci 2018. godine

Najčešće žalbe: izbor najpovoljnijeg ponuđača i tekućerška dokumentacija

68% žalbi riječeno u korist ponuđača

137 puta prekršen Zakon o javnim nabavkama

64 (47%) žalbene odluke obavezuju ugovorne organe na isplatu nadoknade ponuđačima

67.733 KM dužni su isplatiti ugovorni organi advokatskim ponuđača

ANALIZA ŽALBENIH POSTUPAKA NA JAVNE NABAVKE

TRAŽIMO...

Transparentne javne nabavke

Odgovornost i svrhislošno trošenje novca u sistemu javnih nabavki

Odgovornost javnih institucija i vlasti prema novcu građana

Boљи Zakon o javnim nabavkama BiH

REZULTATI...

48 žalbi riješio URŽ Sarajevo

111 žalbi riješila URŽ kancelarija Mostar

36 žalbi riješila URŽ kancelarija Barja Luka

Najveći broj žalbi na najveće ugovorne organe

19 žalbi na javne nabavke Elektroprivrede BiH

13 žalbi na javne nabavke Elektroprivrede RS

Zakon o nabavkama krše i ministarstva, općine, parlamenti, škole, komunalna preduzeća...

www.account.ba

Rezultati monitoringa



Damir Šabanić, UG Justicia

Za prvih pet mjeseci tekuće 2018. godine, Ured za razmatranje žalbi (URŽ) donio je odluke u 200 žalbenih postupaka na provođenje javnih nabavki. URŽ je donio 137 odluka (70%) u korist žalitelja/ponuđača; 64 odluke (47%) podrazumjevaju obavezu ugovornih organa da isplate **novčanu naknadu** žaliteljima/ponuđačima, pokazuju rezultati monitoringa korupcije u sektoru javnih nabavki koji je proveo ACCOUNT monitoring tim.

“UrŽ je donio 137 odluka u korist ponuđača, odnosno utvrđeno je kršenje Zakona o javnim nabavkama BiH. Ako imamo podatak da su ugovorni organi samo za pet mjeseci prekršili zakon 137 puta, onda svjedočimo svakodnevnom neodgovornom i nesavjesnom provođenju javnih nabavki od strane javnih institucija, ustanova, preduzeća i organa uprave. Ugovorni organi su dužni isplatiti 67.733 KM žaliteljima/ponuđačima na ime advokatskih usluga.

“Cijenu grešaka ugovornih organa, cijenu kršenja Zakona o javnim nabavkama plaćaju građani”, - ocjenjuje Damir Šabanić iz UG Justicia, lidera ACCOUNT monitoring tima.

Najveći broj žalbi podnjet je na postupke javnih nabavki koje provode Elektroprivreda BiH (19) i Elektroprivreda RS (13), ali zakon su kršile skoro sve javne institucije, ustanove i preduzeća na općinskom, kantonalnom, entitetskom i bh.nivou: ministarstva, općine, agencije, javne ustanove, škole, komunalna preduzeća...

Istraživanje je provelo UG Justicia u partnerstvu sa članicama ACCOUNT Monitoring tima: CROA, CZM Kvart, ALDI i KAM.

CGS LIVNO OBJAVIO REZULTATE MONITORINGA KORUPCIJE U SEKTORU ZAPOŠLJAVANJA

186 JAVNIH USTANOVA KRIJE PODATKE O ZAPOŠLJAVANJU

Centar za građansku suradnju (CGS) iz Livna, lider ACCOUNT Monitoring tima, predstavio je podatke iz najnovijeg istraživanja korupcije u oblasti zapošljavanja u javnom sektoru. Monitoringom su obuhvaćene 263 općinske i kantonalne institucije/ ustanove/ poduzeća iz Kantona 10, HNK i Tuzlanskog kantona.

“Rezultati monitoringa pokazuju da 56% javnih ustanova i preduzeća ne objavljuje javni oglas za zapošljavanje, a 46% ima pravo korišćenja diskrecionih ovlaštenja pri zapošljavanju.”

Ovom procentu od 46% treba dodati i podatak da je 36% institucija odgovorilo da njihovi organi nemaju pravo koristiti diskreciona ovlaštenja, ali je iz akta po kom zapošljavaju vidljivo da ih koriste.

“Želim istaći i da se 186 javnih ustanova, institucija i preduzeća oglušilo o Zakon o slobodnom pristupu informacijama, odnosno kriju podatke o broju zaposlenih i konkursnim procedurama” - kazao je Asmir Orman iz CGS-a. CGS je realizovao monitoring aktivnosti u saradnji sa članicama ACCOUNT-a: CRCD iz Doboja i GUŽ Duvanjske iz Tomislavgrada.



Zulka Baljak, CGS Livno

CRCD URADIO MONITORING PRIMJENE ZAKONA O ZAŠTITI “ZVIŽDAČA” U RS

FORMALNI USLOVI ISPUNJENI, PRIJAVE KORUPCIJE IZOSTALE

Formalni uslovi za primjenu Zakona o zaštiti lica koja prijavljuju korupciju u Republici Srpskoj su ispunjeni, budući da je 90% javnih ustanova/institucija/organa uprave usvojilo Uputstvo o postupanju sa prijavom korupcije i obezbjeđenju zaštite lica koja prijavljuju korupciju, a 93% je obezbjedilo bar jedan mehanizam za prijavu korupcije. Ipak, u samo 3 od anketiranih 107 ustanova zaprimljene su prijave korupcije, pokazuju rezultati monitoringa primjene Zakona o zaštiti lica koja prijavljuju korupciju u Republici Srpskoj.

„ Zakon je usvojen 07.jula 2017. godine i propisao je obavezu republičkim organima uprave, jedinicama lokalne samouprave, javnim institucijama, preduzećima i ustanovama, te privatnim su-

bjektima koji imaju više od 15 zaposlenih, da u roku od šest mjeseci donesu interni akt - Uputstvo o postupanju sa prijavom korupcije i obezbjeđenju zaštite lica koja prijavljuju korupciju. Rezultati do kojih smo došli obuhvataju podatke za 107 subjekata, i pokazuju da je njih 90% ispunilo ovu obavezu. S druge strane, prijave korupcije su zabilježene u samo 3 anketirane ustanove, odnosno zaprimljeno je ukupno 8 prijava. “Većina ih je odbačena kao neosnovana, dijelom i zbog nedostatka materijalnih dokaza” - kaže Emina Bećirović Nasić iz CRCD-a, koji je proveo istraživanje.

CRCD je proveo monitoring u saradnji sa članicama ACCOUNT Monitoring tima: Justicia, Stop Mobbing, Resursni centar Brčko i ToPeer.



Monitoring zaštite prijavitelja korupcije

ACCOUNT Monitoring tim:
CRCD BiH, Doboj
ToPeeR, Doboj
Stop Mobbing, Trebinje
Resursni centar, Brčko,
Justicia, Srebrenik



Zakon o zaštiti lica koja prijavljuju korupciju u Republici Srpskoj

2017

usvojen Zakon
o zaštiti
prijavitelja
korupcije u RS

6

mjeseci bio rok
za donošenje
internih akata

15+

obveznik
zakona su svi
subjekti sa 15 i
više zaposlenih

Imaju li institucije interni akt - Uputstvo o postupanju sa prijavama korupcije?

90%

anketiranih
institucija ima
interni akt

3%

institucija u
procesu
usvajanja

7%

nije ispunilo
zakonsku
obavezu

Implementacija internih akata o postupanju sa prijavama korupcije u javnom sektoru RS

5

ACCOUNT
članica provelo
istraživanje

171

anketirana
javna
institucija

107

institucija
dostavilo
podatke

Kakve i koliko mehanizama za prijavu korupcije imaju javne institucije?

76%

institucija ima
4 i više kanala
za prijavu
korupcije

3

institucije
zaprimile
prijave
korupcije

8

prijava
korupcije
zaprimljeno

Monitoring zaštite izviđača



Emina Bećirović Nasić, CRCD

PREDSTAVLJENI REZULTATI MONITORINGA U SEKTORU ZDRAVSTVA

Prividna transparentnost nabavki lijekova

Fondacija za razvoj i demokratiju (FRD), lider ACCOUNT Monitoring tima u sektoru zdravstva, predstavila je rezultate monitoringa procesa nabavki zdravstvene opreme, materijala i lijekova 51 zdravstvene ustanove/institucije. Istraživanjem je obuhvaćeno 12 ministarstava, 37 zavoda i dva fonda iz oblasti zdravstva na entitetskim i kantonalnim nivoima.

Rezultati između ostalog pokazuju da 22 zdravstvene institucije/ustanove *nemaju na Portalu javnih nabavki dostupne podatke o nabavkama*; tokom 2016. i 2017. godine sklopljeno je ukupno 11.967 ugovora, od kojih se 3.176 odnosi na nabavku lijekova, medicinskih materijala i opreme; **217.244.259,53 KM** iznosi ukupna vrijednost dodijeljenih ugovora; a najveći broj ugovora dobila je kompanija Phoenix Pharma d.o.o. - ukupno 503 ugovora. *“Javne nabavke lijekova, zdravstvene opreme i materijala nisu transparentne,*

budući da pojedinih zdravstvenih institucija uopšte nema u bazi Portala javnih nabavki kao ugovornih organa, pojedine ustanove i institucije ne objavljuju sve ugovore koje su dodijelili, a pojedine ne objavljuju ugovore uopšte. Indikativan je i podatak da se samo oko 25% potpisanih ugovora odnosilo na nabavku lijekova, materijala i opreme, odnosno na nabavke od kojih građani imaju neposrednu korist. U RS smo zabilježili porast od preko 900% u ukupnoj vrijednosti potpisanih okvirnih sporazuma, a od ukupnog broja direktnih sporazuma u BiH, čija je ukupna vrijednost 856.301 KM, najveći broj je dodijeljen u Federaciji BiH – 442.077 KM” - kazala je Stela Vasić iz FRD.

FRD je realizovao aktivnost u okviru programa Antikorupcijska mreža u BiH- ACCOUNT, u saradnji sa Srpskim omladinskim savezom iz Brčkog.



PLANOVI INTEGRITETA ZA JAVNE INSTITUCIJE FEDERACIJE BiH

Predstavnici Fondacije INFOHOUSE sastali su se sa članovima Uprave Agencije za prevenciju korupcije i kordinaciju borbe protiv korupcije (APIK) kako bi razgovarali o postavljanju elektronskih edukativnih modula za izradu planova integriteta. Ovo je još jedna antikorupcijska aktivnost koju zajednički realiziraju predstavnici APIK-a i Fondacije INFOHOUSE u sklopu Antikorupcijske mreže u BiH – ACCOUNT, a koja ima za cilj da unaprijedi izradu planova integriteta i pomogne državnim službenicima u tom procesu.



foto (desno): Sastanak predstavnika Fondacije INFOHOUSE i APIK-a

Treći ciklus ACCOUNT DODJELE SREDSTAVA – Sektorske grupe

20. jula 2018. godine objavljen je Poziv članicama mreže ACCOUNT za podnošenje aplikacija za III ciklus grant programa u Sektorskim grupama za 2018/2019 godinu. ACCOUNT sektorske grupe zagovaraju, iniciraju izmjene postojeće legislative, usvajanje nove u cilju prevencije i suzbijanja korupcije u oblasti zapošljavanja i javnih nabavki. Na poziv članicama mreže ACCOUNT javile su se ukupno 3 organizacije civilnog društva za oblast zapošljavanja, te je **Helsinški odbor za ljudska prava RS** odabran kao liderska organizacija. Za oblast javnih nabavki nije pristigla nijedna aplikacija.

Ovogodišnje aktivnosti u oblasti zapošljavanja su usmjerene na zagovaranje usvajanja Pravilnika o provođenju usmenog intervjua i bodovanju kandidata pri zapošljavanju u organima uprave.

Kada je riječ o oblasti javnih nabavki aktivnosti su usmjerene na edukaciju predstavnika pravosudne zajednice u cilju efikasnijeg identifikovanja zloupotreba u sistemu javnih nabavki i kasnijeg procesuiranja kao i zagovaranju za transparentniji sistem javnih nabavki kroz konačno usvajanje izmjena i dopuna Zakona o javnim nabavkama.



Helsinški odbor za ljudska prava

BiH, 76 300 Bijeljina, Poštanski fah 126

E-mail: helcomm@teol.net

Web: <http://helcommrs.org>

FB: Helsinški odbor za ljudska prava /

Helsinki Committee for human rights

Tel: +387 55 419 274

Fax: +387 55 210 851

Mob: +387 65 539 499

+387 65 604 962

Хелсиншки одбор за људска права

Helsinški odbor za ljudska prava RS, lider Sektorske grupe zapošljavanja, realizuje projekat „Jednake šanse – transparentnost u zapošljavanju u javnom sektoru III“ koji će se fokusirati na prevenciju i smanjenje percipiranog nivoa korupcije prilikom zapošljavanja u javnim ustanovama i javnim preduzećima na području sedam kantona u Bosni i Hercegovini (Županije Posavske, Tuzlanskog kantona, Srednjobosanskog kantona, Zeničko-dobojskog kantona, Bosansko-podrinjskog kantona, Unsko-sanskog kantona i Kantona 10), kroz uspostavljanje saradnje sa predstavnicima pomenutih ustanova i izradu/usvajanje dokumenata koji će doprinijeti da proces javnog zapošljavanja bude transparentniji i objektivniji.

SEKTORSKA GRUPA ZAPOŠLJAVANJE - PROMOCIJA AKTIVNOSTI

Helsinški odbor za ljudska prava je u prethodnom periodu izradio Analizu zakonodavnog okvira u oblasti zapošljavanja u javnom sektoru u ukupno 7 kantona u BiH (**Posavski, Bosansko-podrinjski, Tuzlanski, Srednjo-bosanski, Zeničko-dobojski, Unsko-sanski kanton i Kanton 10**). U cilju prezentovanja nalaza analize održane su press konferencije kojima su prisustvovali predstavnici kantonalnih Timova za borbu protiv korupcije, organizacije civilnog društva, mediji i predstavnici lokalnih vlasti.

Najznačajnije preporuke Analizom utvrđene su:

- precizno regulisati način pripremanja testova opšteg znanja i stručnog ispita - sa mehanizimima slučajnog odabira pitanja svakom kandidatu, koja neće unaprijed biti poznata niti komisijama;
- precizirati vrijeme testiranja i način bodovanja testova;
- omogućiti uvid u rješenja i urađene testove kandidata nakon bodovanja;
- precizno regulisati tok usmenog intervjua kandidata sa objektivnim kriterijumima i ocjenjivanjem od strane komisije, i obavezno vođenje zapisnika o pitanjima i odgovorima kandidata;
- omogućiti kandidatima izjavljivanje pravnih lijekova (žalbi, prigovora i slično) tokom postupka javnog konkursa i prije sačinjavanja konačne rang liste i redoslijeda kandidata;
- komisije za izbor kandidata treba da postavlja nezavisno tijelo, te da u većem broju budu zastupljeni članovi eksperti ili nezavisni članovi, koji nisu iz organa državne službe za koji se raspisuje konkurs;
- ograničiti diskreciona ovlaštenja rukovodilaca da biraju kandidate sa liste, nego da odaberu najuspješnijeg kandidata, odnosno prvorangiranog na listi, bez mogućnosti kasnijeg uticaja istog rukovodioca na direktno ocjenjivanje rada novozaposlenog kandidata;
- ograničiti mandate rukovodilaca u državnim organima u cilju depolitizacije zapošljavanja u državnoj službi;
- ograničiti broj izvršilaca na radnom mjestu u organu državne službe (i kod ugovora na određeno i na neodređeno vrijeme).



Orašje, 10.septembar 2018

ANTIKORUPCIJSKA MREŽA U BIH - ACCOUNT

Analiza zakonodavnog okvira u oblasti zapošljavanja u javnom sektoru u Posavskom kantonu

otporni na štelu!
account

- Trenutna Uredba o uslovima, načinu i programu za polaganje ispita općeg znanja i stručnog ispita za kandidate za državnu službu u Posavskom kantonu sadrži odredbe koje su **potencijalno koruptivne**;

* RUKOVODIOCI BIRAJU PODOBNE	Rukovodilac ima diskreciono pravo da odabere bilo kojeg kandidata bez objektivnog kriterijuma;
* USKRAĆENO PRAVO NA ŽALBU	Kandidatima koji nisu izabrani nije ostavljena mogućnost žalbe;
* KO ODLUČUJE O PRIJEMU KANDIDATA?	Uredbom nije određen kraj postupka izbora zaposlenih te je nejasno ko zapravo odlučuje o prijemu;

Više na www.account.ba

ANTIKORUPCIJSKA MREŽA U BIH - ACCOUNT

Analiza zakonodavnog okvira u oblasti zapošljavanja u Hercegbosanskoj županiji / Kantonu 10

otporni na štelu!
account

Trenutna Uredba o uvjetima, načinu i programu polaganja ispita općeg znanja i stručnog ispita za kandidate za državnu službu u Hercegbosanskoj županiji od 18.06.2014. godine sadrži **potencijalno koruptivne odredbe**;

➔ RUKOVODIOCI BIRAJU PODOBNE	Rukovodilac može izabrati bilo kojeg kandidata sa liste koji je ispunio kriterijume, bez obzira na broj bodova i rang na listi kandidata;
➔ RUKOVODIOCI OSNIVAJU AD HOC KOMISIJE I BIRAJU ČLANOVE	Rukovodilac ima diskreciono pravo da osniva ad hoc komisiju i bira njene članove, što može voditi zloupotrebama komisije i staviti je u službu rukovoditelja;

<input type="checkbox"/>	stručna sprema
<input type="checkbox"/>	radno iskustvo
<input checked="" type="checkbox"/>	naš

Više informacija na www.account.ba



Analiza zakonodavnog okvira u oblasti zapošljavanja u Unsko-sanskom kantonu



- ✓ Mnogobrojna zakonska rješenja prividno omogućavaju veću transparentnost i objektivnost;
- ✓ Pravilnik o uslovima i načinu odabira kandidata za prijem u organ državne službe na određeno vrijeme ostavlja **velike mogućnosti zloupotreba i korupcije** organa državne službe;



Rukovodilac ima diskreciono pravo da odabere kandidata bez objektivno utvrđenih smjernica;



Komisiju čine tri člana iz organa državne službe čime se dovodi u pitanje nepristrasnost i nezavisnost komisije;



Vrijeme pripreme pitanja od strane komisije se ne ograničava - favorizujući kandidati se ranije mogu upoznati sa pitanjima;



Pravilnikom nije određeno trajanje ugovora na određeno vrijeme; broj izvršilaca nije uslovljen brojem prema Pravilniku o sistematizaciji;



Antikorupcijska mreža u BiH - ACCOUNT
Analizu uradio Helsinški odbor za ljudska prava - lider ACCOUNT
Sektorske grupe zapošljavanje

Više informacija na www.account.ba



ANTIKORUPCIJSKA MREŽA U BIH - ACCOUNT

Analiza zakonodavnog okvira u oblasti zapošljavanja u Srednjo-bosanskom kantonu



Federalni propisi koji su na snazi su **NEPRECIZNI I NE PRUŽAJU** konkretna rješenja za sprečavanje zloupotrebe i korupcije u zapošljavanju u državnoj službi kantona;

DISKRECIONO PRAVO RUKOVODIOCA

Rukovodilac ima diskreciono pravo da odabere bilo kog kandidata bez ikakvog objektivnog kriterijuma, kao i bez obzira na ostvarene rezultate na testu;

SASTAV KOMISIJE

Komisiju čine najmanje dvije osobe koje su zaposlenici organa državne službe (i direktno odgovaraju rukovodiocu);

NETRANSPARENTNOST INTERVJUA

Nemogućnost kontrole kvaliteta odgovora, nepostojanje javnosti koja bi učestvovala kao korektivni element, kao i mogućnost postavljanja unaprijed dostavljenih pitanja kandidatima;

NEMA PRAVA ŽALBE

Kandidatima koji nisu izabrani nije ostavljena mogućnost da svoja prava štite u žalbenom postupku;

Više informacija na www.account.ba

foto (lijevo): Bihac, 19. septembar 2018
foto (dole): Travnik, 24.septembar 2018

PREDIZBORNA KRAĐA IDENTITETA: Žive u Srebrenici, a ne znaju da su već glasali poštom iz Srbije

Online magazin Žurnal otkriva niz nepravilnosti u izbornom procesu u Bosni i Hercegovini kroz seriju tekstova koji govore o [krađi identiteta](#), [dodjeli poslova štampanja listića firmama bliskim Miloradu Dodiku](#), [sprečavanju posmatrača da nadgledaju štampanje glasačkih listića](#), [uvozu glasača iz Srbije](#), [nezakonitoj ovjeri kandidatura državnim službenicima od strane CIK-a](#), [nesuglasicama u CIK-u](#), [miješanju HDZ-a Hrvatske u izborni proces](#), [zloupotrebi glasanja putem pošte](#), kao i [manipulacijama sa brojem glasača u odsustvu](#).

The screenshot shows the website interface for Žurnal. At the top, there's a navigation bar with the site logo, the date 'Petak, 21. Septembar 2018.', and the slogan 'JEDINA SLOBODNA TERITORIJA'. Below this is a red navigation menu with categories like 'DRUŠTVO', 'ŽIVOT', 'INTERVIEW', etc. A search bar is on the right. The main content area features a large banner for 'NESTAJANJE' with a date and location. Below the banner, the article title is prominently displayed, along with social media sharing icons and a '361' count. The article text begins with 'Fadil iz Srebrenice "glasao" u kući nepostojećeg Branka u Beogradu...'. To the right, there's a 'Najnovije iz kategorije' section with several news snippets.

ŽURNAL DOKAZUJE: Kriminal u Vladi FBiH

Na Žurnalu pročitajte seriju istraživačkih priča o [nezakonitoj kupovini zgrade Energoinvesta od strane Vlade FBiH](#), [kupovini zgrade u vlasništvu ćerke premijera FBiH Fadila Novalića od strane preduzeća BH Pošte](#), kao i [dokumentaciji koja to dokazuje](#). Žurnal donosi i tekstove o [malverzacijama u namjenskoj industriji BiH](#), [kažnjavanju onih koji prijave kriminal u toj industriji](#) i o tome kako [prozapadne banke ne žele poslovati sa bh. namjenskom industrijom](#), kao i o tome kako [Fond zdravstvenog osiguranja RS plaća održavanje nepostojećeg informacionog sistema](#), te tekstove o tome kako [se tajkunske firme bore za poslove koje dodjeljuju Putevi RS](#), [kršenju](#)

[Zakona o javnim nabavkama od strane Puteva RS](#), [ignorisanje presuda Suda BiH od strane Nenada Nešića direktora Puteva RS i plaćanju 4 miliona KM za 2,4 kilometra seoskog puta](#). Novinari Žurnala su istraživali o [opstrukcijama, prekomjernom trošenju, neradu i neznanju u JP Autoceste FBiH](#), kao i [malverzacijama koje dovode do poništavanja tendera u JP Autoceste FBiH](#). Nastavljeno je istraživanje o [zloupotrebama direktora FCUZ Fahrudina Solaka kroz tekstove o potrošnji novca na nepostojeći USAR tim i korištenju FCUZ za teferiče, otvaranje džamije i privatne zabave](#).

Istraživanja: Bošnjaci pod zastavom ISIL-a Zagađenje zraka AFERA - TV Žurnal



KORUPCIJA

f 974 t v e

NEPOSREDNE POGODBE FEDERALNOG PREMIJERA : Novalići kupili zgradu za 4 miliona, sad je prodaju za 8,5 miliona maraka

Objavljeno: 23.07.2018. u 18:35h

Porodične firme premijera Novalića i njegovog partnera Adema Hanića zgradu UTL-a u Vogošći privatizirale 2013. godine za 4 miliona maraka. Pet godina kasnije, premijer Novalić dao prethodnu saglasnost da Federacija kupi dio te zgrade za 8,5 miliona maraka. Premijer Novalić ne odgovara na pozive Žurnala



HOMO HOMINI LUPUS EST: Sebi ja je Bošnjacima...



JEDNA SI JEDINA: Svi u vrstu – dolazi direktorica...



LAKO JE TUĐIM PARAMA IMIDŽ GRADITI...

Najnovije iz kategorije >

NEVJEROVATAN PORAST GLASAČA
Više od 24 hiljade dopisnih birača iz Hrvatske glasa u BiH!

PRVA NOĆ ISPRED ZGRADE POLICIJE
Pravda za Davida traži imena ubica do 25. septembra

SRBIJANSKI MINISTAR VANJSKIH POSLOVA ZAOBIŠAO SARAJEVO
U Banja Luci susret Ivice Dačića i Sergeja Lavrova




ACCOUNT MEDIA POOL OTKRIVA I ISTRAŽUJE

Više od 40 priča o korupciji u BiH

ACCOUNT Media pool je u toku jula, avgusta i septembra nastavio sa objavljivanjem istraživačkih priča o korupciji. Novinari su istraživali o "kriminalu bijelog okovratnika, prodaji oružja proizvedenog u BiH, stranačkom zapošljavanju, kršenju zakona u oblasti obrazovanja, zloupotrebama pri korištenju savjetničkih usluga od strane preduzeća u sistemu Elektroprivrede RS, namještanju javnih nabavki u upravi Grada Banjaluka, odmazdi prema štrajkačima u Željeznicama RS, favorizovanju pojedinih advokata po službenoj dužnosti, kriminalnim radnjama u Policijskoj upravi Trebinje, uništavanju zdravstvenog sistema u Republici Srpskoj, "nenamjenskom trošenju novca za dostavu računa sarajevskog Vodovoda i kanalizacije, krađi Poštanske štedionice RS, nemogućnosti pružanja zdravstvene usluge kadaverične transplantacije u zdravstvenim ustanovama u RS zbog korupcije, nezakonitom smanjivanju i povećavanju plata zdravstvenim radnicima u Republici Srpskoj, zloupotrebama stanova i apartmana Vlade RS, duplim platama na univerzitetima u RS i BiH, uništavanju banjalučkog Jelšingrada i mnogim drugim temama.

Članice ACCOUNT Media poola su: Capital.ba, Buka, eTrafika, Gerila, Inforadar, Moja Hercegovina, Tačno.net, B1 Info, Frontal.ba, Direkt.



Indira Durmić iz tuzlanske SDA napušta stranku: Mnogo je 30 godina života za stranku koja nije uradila ništa

Utorak, 25. Septembar 2018 13:28

Još malo o povjerenju pred izbore: Bjanko mjenicama ugrožen parlamentarizam

I SDP-ovi kandidati za zakonodavnu vlast koji učestvuju na oktobarskim izborima 2018 godine potpisuju neki vid garancije - bjanko mjenice!



Pis: Rubina Čengić za Interview.ba

„Potpisao sam neku mjenicu na kojoj je napisano 'Bez prava protesta! Vidio sam i mjenice drugih kolega koje su bile na stolu, isto je pisalo na njima. Iskreno - ne znam tačno šta to znači. Koliko znam - mjenica je ista kao kada uzimaš kredit, recimo. I meni je to zasmetalo jer mislim da me se na taj način udovoljava da me mogu misliti svojom glavom. Ali potpisao sam. Kažu mi da je i u ostalim strankama isto. Čuo sam to od kolega iz drugih stranaka. Ne znam tačno ni na koliko novca bi mogla biti ta mjenica, ali pričaju da je to u rasponu od 50.000 do 90.000 KM, vjerovatno sve plaće koje dobjeh kao zastupnik plus ono što su kao ustoliži u tvoj marketing. Očijem se isto kao neko ko je preživio strujni udar iako sam fakat ušao srecm i bez ličnog interesa u politici. Da mi je neko prošle godine rekao da ću biti u politici - ne bih mu vjerovao. Ali idemo u ambis i ne možemo očekivati nik-tak... - bježe me odle. Pa mi vjere radi i 'Sudovati ću' - neću jedan od

INTERVIEW A-Ž



Mujanović: Trčanje ostaje najbolji izdani venit



Puhalo: Američki dokazi o Špiriću domaćem pravosuđu očito nisu dovoljni



Radovanović: Mnogo ustava je policija prijavila kao ostavne stvari



Utorak, 12. Septembar 2018 11:12

Srđan Puhalo: Američki dokazi o Špiriću domaćem pravosuđu očito nisu dovoljni

Prije dva dana poslanik SNSD-a u Predstavničkom domu Parlamenta BiH Nikola Špirić stavljen je na američku crnu listu po odluci State Departmenta. Kako je navedeno Špiriću se na teret stavlja da je "uključen u zaradu od javne korupcije, uključujući i prihvatanje neprikladnih koristi u zamjenu za njegove aktivnosti na javnoj funkciji; miješanje u javne procese". Odluku State Departmenta naišla je na brojne reakcije poznatih osoba iz Bosne i Hercegovine. Dok su neki govorili kako će ova odluka dodatno ojačati Republiku Srpsku i nisu pokazivali značajnu zabrinutost, drugi su iskoristili priliku da preplave Twitter porukama u kojima su ismijavali kako Špirić, tako i pravosuđe u našoj državi. Politički analitičar i psiholog Srđan Puhalo kazao je za Interview.ba da dokazi na osnovu kojih je State Department izdao sankcije Špiriću vjerovatno nisu dovoljni našem domaćem pravosuđu. Komentarisao je izjave Dodika, kao i njegovu kompetenciju da priča o crnoj listi. Rekao je i nešto više o sankcijama kojim bi trebali podležiti ostali političari u BiH zbog korupcije.

Razgovarao/a: Adin Šabić
Foto: Lična arhiva



INTERVIEW A-Ž



Mujanović: Trčanje ostaje najbolji izdani venit



Puhalo: Američki dokazi o Špiriću domaćem pravosuđu očito nisu dovoljni



Radovanović: Mnogo ustava je policija prijavila kao ostavne stvari



Utorak, 22. Septembar 2018 10:00

Aleksandar Trifunović o predizbornoj kampanji: Inteligencija birača prva mora biti utvrđena da bi je političari vrijeđali

Mnogi bi se ovu predizbornoj kampanji usudili uporediti sa popularnom humorističnom serijom Top lista nadrealista, nedavno kako političari svojom porukama vrijeđaju inteligenciju birača, ali i ismijavati birače. O tome zašto je Top lista nadrealista tragičnija, a predizborno kampanja samo tragična, o problemima koje uzrokuje građanima i novinarima za interview.ba govori Aleksandar Trifunović, glavni i odgovorni urednik medijskog projekta BUKA. Za Interview.ba Trifunović komentarisao i video materijale kandidata koji su nastupali, ali istovremeno i razstihili javnosti.

Razgovarao/a: A.S.
Foto: Lična arhiva



KRIVI SMO MI ŠTO SMO BI PUSTILI „Otpretnost takvim serijama dovodi je do situacije u kojoj ova zemlja sve više napušta one koji mogu promijeniti situaciju, da je opasnija na izborima sve veća i mislim da će protivne doći tek kada se mi promijenimo, a ne kad promijenimo određenu političku partiju na vlasti i dođe druga.“

INTERVIEW A-Ž



Mujanović: Trčanje ostaje najbolji izdani venit



Puhalo: Američki dokazi o Špiriću domaćem pravosuđu očito nisu dovoljni



Radovanović: Mnogo ustava je policija prijavila kao ostavne stvari



Utorak, 20. Septembar 2018 11:00

Suad Arnautović: Izborni proces nije ugrožen, izbori će biti demokratski

Kako se gotovo da jučer glasno govorilo o brojnim nepravilnostima u izbornom procesu, danas je iz Centralne izborne komisije BiH saopšteno da problemi nemaju i da će građani Bosne i Hercegovine ove godine glasati na pravim demokratskim izborima. Odbuganja u brojnim izbornim lokalnim i biračkim registrima, glasači nisu problem, nepravilnosti na koje je BiH sada ulazila u procesu glasanja riješene nisu ozbiljne. Nisu sporno ne glasali emetih, a sjedilačima o negativnim iskustvima birača. Članovi biračkih odbora i za zainteresirane. Centralna izborna komisija sprema nove izjave, a biračka mjesta bit će adekvatno osigurana. Za interview.ba o vjernu ovome govori Suad Arnautović, član OIB BiH. Tvrdi da ćemo ove godine imati pravi demokratski izbor.

Razgovarao/a: A.S.
Foto: Lična arhiva



JOŠ JEDAN PREDIZBORNI SPIN ILI MAJ, MAJ, MAJ MIŠO NEĆE KRIVIT "Već sam rekao bi se istražni organi uključiti. Prvih: Agencije za identifikacione dokumente, evidenciju i razmjenu o biračkim listama i biračkim listama prva listi, ali to nije ekvivalent za broj registrovanih birača i centralizirani biračkim spisak."

INTERVIEW A-Ž



Mujanović: Trčanje ostaje najbolji izdani venit



Puhalo: Američki dokazi o Špiriću domaćem pravosuđu očito nisu dovoljni



Radovanović: Mnogo ustava je policija prijavila kao ostavne stvari



Kandidatkinja za Parlament BiH na predstojećim Općim izborima u BiH, profesorica B/H/S jezika iz Tuzle, magistrica **Indira Durmić** zaposlena u Mješovitoj srednjoj saobraćajnoj školi je 22. augusta Glavnom odboru SDA u Tuzli i predsjedniku Povjereništva Glavnog odbora SDA Tuzla uputila obavijest da se povlači iz kampanje. „**Klijentelizam i oportunistički razaraju Stranku demokratske akcije**“. *Zbog unutarstranačkih previranja dešava nam se da smo godinama sve slabiji, a ne jači kao stranka. Smeta me što nema volje u vodstvu da se to promijeni. Smatram da ovakvom unutarstranačkom politikom koju trenutno provodite, nema perspektive. Umjesto što razmišljate o očuvanju pozicija i osobnim interesima, trebali bi se konačno početi baviti problemima građana i interesima zemlje. Osobni interesi, grupacije, tabori, ponašanje pojedinih kandidata i članova izvršnih tijela, nesmotrenost, loša prezentacija javnosti, obmanjivanje, načini verbalne i neverbalne komunikacije u javnosti, bili su okidač ovoj odluci. Neću da budem saučesnik lažnih obećanja narodu koji još uvijek stoji uprtih očiju u državotvornu stranku. 'Dok se caru ne kaže da je gol, car se neće obući', a to je slika koja oslikava nas sve skupa puno više nego samog cara. Hvala na ukazanom povjerenju. Kandidaturu sam prihvatila s najboljim namjerama. Časno i*

raditi. Međutim, put do i ka ostvarenju rezultata nam se razilazi, stoga neću biti dio tima u koji nemam povjerenje“, napisala je Durmić koja dvadeset pet godina radi u nastavnom procesu, bavi se književnim i naučnim radom, a trenutno radi na svojoj doktorskoj disertaciji.

INTERVIEW.BA: Obratili ste se Fondaciji INFOHOUSE s namjerom da prijavite neke nezakonite radnje ili oblike ponašanja unutar partije - o čemu se radi?

DURMIĆ: *Na listi SDA za Parlament BiH za našu izbornu jedinicu (broj pet – op. aut.) sam deveta na listi, a kako sam imala podršku ili kandidaturu s terena iz 13 lokalnih odbora i Asocijacije žena SDA i s obzirom na stranački staž i sve moje reference, očekivala sam da budem bolje pozicionirana, ali su nakon anketiranja lokalnih odbora uslijedili zakulisni dogovori, lobiranja, grupašenje, tajni sastanci po kafeterijama. Preskočene su sve odluke stranačkih tijela i izvršni organi stranke i povjereništva i ja sam tu gdje jesam. Za mene je to izigravanje stranačkih procedura i principa demokratije i slobode, a uz to sam shvatila da će u prvom planu opet biti isti ljudi koji su godinama na listama bez ikakvih rezultata i da sam*

ja figura koja zadovoljava kvotu žena i nacionalni ključ kao Hrvatica. Kada su liste već bile predate i ovjerene, dobila sam telefonske prijetnje jedne stranačke kolegice koja je kandidatkinja na listi za Parlament FBiH i koja je prijetnje usmjerila prema mojoj kćerki. I to sam prijavila organima stranke i nisam naišla na razumijevanje, naprotiv - upućene su mi kritike tipa: „nije uredu prema Stranci“, „Zaboravi“ i slično. Ni predsjednik Povjereništva GO SDA Tuzla, niti bilo tko od čelnih ljudi GO SDA Tuzla nije se udostojio da porazgovara sa mnom i drugima te da pokuša riješiti problem. Mislim da su to apetiti pojedinaca i, uz dužno poštovanje i prema Bakiru Izetbegoviću i svima oko njega, mislim da je mnogo 30 godina života koje smo dali jednoj partiji koja nije uradila ništa za nas. Ne očekujem ja da dobijem 30.000 glasova, ali sam vidjela da ljudi glasaju za mene, iz Pensilvanije, iz europskih zemalja i raznih dijelova svijeta i mislila sam da ne bi bilo loše da pokušam da nešto uradim. (U Parlament BiH su iz izborne jedinice 5 ulazili kandidati sa 20 do 21 hiljade glasova. – op.aut.)

INTERVIEW.BA: Šta ste poduzeli u vezi s tim, kome ste se obraćali i kakve ste odgovore dobivali?

DURMIĆ: Obratila sam se predsjednici Aktiva žena SDA Tuzla za prijetnje, ali nije bilo ni osude, ni reakcije, ni sastanka. Pismo obrazloženja povlačenja iz kampanje uputila sam na Glavni odbor, Kantonalni odbor i u Centralu SDA. Nikada nisam dobila nikakav odgovor. Protiv kandidatkinje koja mi je prijetila odlučila sam iskoristiti pravnu pomoć i podnijeti prijavu kod nadležnih organa. Hoću da raščistim ovu situaciju jer postoje ljudi koji non-stop, u kontinuitetu rade za lični interes, a ne za državu ili širu zajednicu. Osim toga - ne želim da izlazim pred svoje učenike i pričam im o nekim stvarima i principima, a da živim nešto sasvim drugo.

INTERVIEW.BA: Kada ste se uopće i zašto ili kako odlučili za politiku?

DURMIĆ: Stranci demokratske akcije pristupila sam kao vrlo mlada, bile su to devedesete, vrijeme kada je trebalo puno hrabrosti i veliko srce za takvu odluku. SDA je imala ideju, idejnog vođu, autoritativnog, odlučnog, hrabrog čovjeka na čelu, Aliju Izetbegovića. Dopadala mi se programska deklaracija, otvorenost i isticanje posebnog interesa za očuvanje Bosne i Hercegovine kao zajedničke države Muslimana, Srba i Hrvata.

Najava događaja

U saradnji sa Agencijom za javne nabavke ACCOUNT planira održavanje edukacije tužilaca u BiH vezano za oblast javnih nabavki. Edukacija je planirana za 30. i 31. oktobar 2018. godine.



Objavlivanje ovog biltena omogućeno je uz izdašnu pomoć američkog naroda putem Američke agencije za međunarodni razvoj (USAID). Sadržaj predstavlja odgovornost Udruženja INFOHOUSE i CRMA i ne odražava nužno mišljenje USAID-a niti Vlade Sjedinjenih Američkih Država.